

Oqaluuserisassanut nassuiaat.

(Inatsisartut Siulittaasoqarfiat)

Ulloq 28. oktober ataatsimiinnitsinni immikkoortoq 48, Siunnersuut uunga: Inatsisartuni Naalakkersuisunilu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. xx, uu. qq 2010-meersoq, aamma immikkoortoq 80, Innaallagissamut, imermut kiassarnermullu akit ilusaat pillugit nassuiaat, angumerinngitsoorpavut. Immikkoortut maanna ulloq 12. november immikkut ataatsimiiffissanngortumi oqaluuserineqarnissaat siunnersuutigineqarpoq.

Imm. 54-ip Piniartut aalisartullu piffissap ilaanni inuuniarnikkut ajornartorsiulernerminni pi-sortanit ikiorserneqarsinnaanerisa pitsaanerulernissaat siunertaralugu sulisoqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneernejarnissaata ulloq 10. novemberimiit UPA 2011-imut kinguartinneqarnissaa Ilaqutariinnermut Ataatsimiititaliap qinnutigaa.

Imm. 31-ip Koorortuut timmiarsiutillu eqqarasuartartuunngitsut akuersissuteqarnissamik piumasagaatinut ilanngunneqarnissaat, taamatullu aamma qanoq inissinneqarnissaannut nalunaarsornissaannullu malittarisassaqaarnissaa, sakkunillu pigisaqarnermik tammaasaqarnermillu nalunaaruteqartussaataitaanissaq aammalu sakkunik pineqartunik sakkunillu eqqarasuartartunik inuussutissarsiutigalugu piniarnermut atugassanik pisaarnissamut 16-inik ukioqalereersimannissamik piumasagaateqalernissaa siunertaralugu Nunatsinni sakkut pillugit inatsisiliernerup sukannerulerinnissaa anguniarlugu Naalakkersuisut danskit naalakkersuisuinut saaffinginnissuteqarnissamik peqquneqarnissaannik Inatsisartut aalajangiiffigisassaattut siunnersuutip aappassaaneernejarnissaata ulloq 10. novemberimiit UPA 2011-mut kinguartinneqarnissaa Inatsisunik Atortitsinnermut Ataatsimiititaliap qinnutigaa.

Imm. 66-ip Meeqqanik pinerliisimanginnermut uppenarsaatinik piumasagaateqartussaataineq pillugu Inatsisartut inatsisaat nr. 8, 19. maj 2010-meersoq ilallugu inuusuttut 15-t 18-nillu akornanni ukiullit isersimaffiini timersoqatigiiffiit klubbiini fritidsklubbinilu sulisunut inuusuttunik pinerliisimanginnermut (pinerlussimanginnermut) uppenarsaammik piumasagaateqartussaataitaalernissaq pillugu Inatsisartut aalajangiiffigisassaattut siunnersuutip aamma imm. 24-ip Siunnersuut uunga: Inatsisartut Naalakkersuisullu pillugit Inatsisartut inatsisaat nr. xx, xx. xxx 2010-meersoq aappassaaneernejarnissaasa kinguartinneqarnissaannik Inatsisunik Atortitsinnermut Ataatsimiititaliaq qinnuteqarpoq. Immikkoortut ulloq 9. november aappassaaneernejartussaagalarput maannali 12. november aappassaaneernejarnissaat kissaatigineqarluni.

Imm. 69-ip Amerikamiut Thule Air Base-imik atuinerannut atatillugu, nunatsinnut aningaasanik amerlanerusunik isertitsissutigineqarsinnaanera anguniarlugu misissuisitsinissamik naalakkersuisut danskit naalagaaffiannut saaffinginnissuteqaqqullugit inatsisartut aalajangiiffigisassaattut siunnersuutip aappassaaneernejarnissaata ulloq 9. novemberimiit UPA 2011-imut kinguartinneqarnissaanik Nunanut Allanut Sillimaniarnermullu Ataatsimiititaliaq qinnuteqarpoq.

Imm. 15-ip Inatsisartut Suleriaasissaannut siunnersuutip pingajussaaneerseqarnissaata ulloq 10. novemberimiit 12. novemberimut kinguartinneqarnissaanik Siulittaasoqarfik qinnuteqarpoq.

Inatsisartunut ilaasortat Aqqaluaq B. Egede, Inuit Ataqtigiit aammalu Kim Kielsen, Siumut piffissami novemberip ulluisa 8-ianniit novemberip ulluisa 12-iannut 2010 kingulliulluni taaneqartup sulingiffeqarnerani taasisarnerit pillugit isumaqtigiissuteqarsimapput.

Sinniisoq Knud Fleischer, Katusseqatigiit Partiiat, uterpoq.

Qinigaanerup Misilinneqarnissaanut Ataatsimiititaliap Katusseqatigiit Partiiata sinniisussaatitaata Knud Fleischerip qinigaasinnaanera akuersissutigisimavaa.

Knud Fleischerip ulloq 8. november 2010-miit Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaara.

Akerliusoqarnerluni.....

Knud Fleischer tikilluarit, Inatsisartuni inissannut ingissinnaavutit.

Inatsisartunut ilaasortaq Harald Bianco, Inuit Ataqtigiit, novembarip ulluisa 8-ianniit 2010-p naanissaata tungaanut sulingiffeqarnissaminut akuerineqarpoq, taamaattumillu sinniisussaanik aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Inuit Ataqtigiit sinniisussaatitaata Peter Lyberthip qinigaasinnaanera akuersissutigisimavaa.

Harald Biancomut sinniisussatut Peter Lyberthip ulloq 8. november 2010-miit Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaara.

Akerliusoqarnerluni.....

Peter Lyberth tikilluarit, Inatsisartuni inissannut ingissinnaavutit.